



DRAMA NAKON POKUŠAJA KRAĐE BMW-a U SARAJEVU

RANJENI U OBRAČUNU SA POLICIJOM

D. SLADOJEVIĆ

SARAJEVO - Dvojica mafijaša ranjena su u četvrtak naveče u Sarajevu u razmjeni vatre s policijom, koja ih je zatekla u krađi BMW-a.

Radi se o pravoj drami, u kojoj su sa jedne strane učestvovala tri člana auto-mafije, čija imena nisu saopštena, a sa druge strane policajci.

Prethodno su policajci opkolili kriminalce u vozilu, a oni su pokušali da pobjegnu, te su udarili u saobraćajni znak i potom i u ivičnjak te nekoliko parkiranih vozila, tokom čega su otkinuli i točak. Policija je kradljivce u jednom momentu stigla, a oni su, shvativši da su pritjerani uza zid, otvorili vatru na policajce, koji im nisu ostali dužni, te su takode zapucali, i dvojicu ranili.

Izvukli su zatim kradljivce iz vozila, zavezali ih, s tim što su ranjeni prebačeni u bolnicu. Građani koji su ovom svjedočili još su zaprepaseni.

"Iza mene je u vozilu bila žena s dvoje djece. Zamislite kakav je to šok bio za tu ženu, sjedi u

autu dok meci njenoj djeci fijuču oko glave", ispričao je jedan očevidac. Osumnjičeni su pripadnici organizovane kriminalne grupe koja već dugo "operiše" ne samo u Sarajevu, već i šire. Slijedi detaljna istraga.

"Tužilac BiH ispitaće uhapšene koji su ranjeni prilikom razmjene vatre s policijom u pokušaju krađe skupocjenog vozila u naselju Iliđa čim se steknu uslovi", saopšteno je iz Tužilaštva BiH. Kako saznajemo, radi se o grupi iz Sokoca i Mokrog koja dugo krađe skupocjena vozila i vozi ih u susjedne zemlje.

Iz Državne agencije za istrage i zaštitu (SIPA) navode da su njihovi pripadnici, nakon pokušaja ove krađe, u petak na području Istočnog Sarajeva pretresli objekte na četiri lokacije.

**ŽENA SJEDI U AUTU
DOK MECI NJENOJ
DJECI FIJUČU OKO
GLAVE, ISPRIČAO
JEDAN OČEVIDAC**